



Nuuk 31. oktober 2018

UKA2018/163

Jens Napãtôk, Partii Naleraq

Naalakkersuisut nunatsinni eqqumiitsuliortut atorsinnaasaannik eqqumiitsuliortut suliffiannik pilersitsisinnaanermi pitsaaqutinik pitsaannequtinillu imaqartumik suliniummut pilersaarummik suliaqaqqullugit, suliniummullu pilersaarut kingusinnerpaamik UPA2020-imi Inatsisartunut agguanneqassasoq, pilersitsinermilu ingerlatsinermilu aningaasaqarnermut allanullu tunngasunik misissueqqissaarnermik imaqassalluni. Tamatuma saniatigut Naalakkersuisut eqqumiitsulioriaatsit sorliit sullivimmumut taamaattumut periarfissaqarnermik iluaquteqassanerat pillugit kaammattuuteqarnissaannik tunngasunik Inatsisartuni aalajannigffigisassatut siunnersuut.

(Inatsisartuni ilaasortaq Aqqaluaq B. Egede, Inuit Ataqtigiit)

Nunatsinni eqqumiitsuliortut atorsinnaasaannik eqqumiitsuliortut suliffiannik pilersitsisinnaanermi pitsaaqutinik pitsaannequtinillu imaqartumik Naalakkersuisut suliniummut pilersaarummik suliaqaqqullugit Inatsisartunut agguanneqartussamik kingusinnerpamik UPA2020-imi aaliagiiffigisassatut siunnersuuteqartoq Aqqaluaq B. Egede, Inuit ataqtigiit Partii Naleqqamiit qujafferusupparput Eqqumiitsuliortunut tunngassuteqartumik siunnersuuteqarneranut.

Nalliuttorsiornerni takusarparput inuiaat kalaaleqatigut kalaallisoortutik pikisimasut, kusanarluinnartunik atisaqarlutik kinaassutsitinnik takutitiinnaratik pingaartitsineq ullorsiornermut ersiutigaat. Eqqarsaatigilluarutigu kialluunniit taamatut suliaqartartup nalunngilaa kalaallisuuliorneq kusanartuliaannaangilaq ataqqinarluinnartoq aammalu suliarujussuuvog aannertoorujussuaq, piffissamik annertuumik atuiffiulluni suliaq peqqissaartumik suliaallutik.

Taamatut Kalaallisuuliorarneq eqqarsaatigalugu nunarput tamakkerlugu siuarsartuarnissaa aammalu taamatut suliaqartalersuttunut periarfissarsiortuarlugu inerisartuartaqarlunartut ilagigaat Partii Naleqqamiit isumaqarpugut. Nipilersornermik kalaallit piginnaasaqartorpassuaqarpugut tamatumalu eriagalugu inerisartuarnissaa pingaruteqarlunartut ilagaat aammalu ataatsimut inerisaaveqarsinnaanerata aqutissiupeqataavigiarnissaa pingaartuteqartut ilagaat.

Eqqumiitsuliornikkut inuiaqatigiit kalaallit assigiinngitsorpassuartigut piginnaaneqarnerput inerisaqqittuartaqartut ilagaat. Qalipakkanik eqqumiitsulianik allanillu kusanartulianillu pilersitat annertusartuarnissaat pingaaruteqarlunartut ilagaat. Atuakkiortugut filmiliortortagut annertunerusumik periarfissarsiorlugillu peqataanerulissaanut aqutissiorinissaq aatsaat taama pingaaruteqartigaq.

Eqqumiitsuliorneq inuusaaseriinnanngilarput aamma aningaasarsiutaanerata annertusarnissaa piffissanngorsorinarpoq, taamaammallu eqqumiitsuliortut illorsuanik nunatsinni peqalernissaa taamatullu eqqumiitsuliat pitsaasut qaffasereersup qaffassaaqqinnissaanut aqutissiuussisussamik periarfissiisariaqalerpugut, tassalu inerisaqqinnermik pitsaassutsimik qaffassaaqqiffiusumik



partii naleraq

aammalu minnerunngitsumik ineriartortsiteqqinnermi isumassarsiorfiusinnaasumik
iluaqutaaginnarani eqqumiitsuliortut immersoqatigiillutik suleqatigiaarsinnaaneranik allanillu
suleqateqalernissaanik periarfissiisusaaq siunnersuuteqartup siunnersuutaa tamakkiisumik Partii
Naleqqamiit tapersorsorlutigu ataatsimiititaliami susassaqartumi suliarineqarnissaa
tapersorsorlortigu innersuussutigaarput